


BIBLIOTEKA  
SHTETIT

814-1

5429



Livri dhe maledhjet e reja

NOVRUZ  
SHEHU  
vjersha

814-1  
5429

NOVRUZ SHEHU

# Lirikë e maleve të mia



Vjersha

KOMBINATI POLIGRAFIK "SHTETI" TIRË  
SHTËPIA BOTUESE «NAIM FRASHËRI»

## LEJDA I PARTI NË PLAZH

Në ngritjen e metalurgjikut  
e në turbinat e kolosëve të elektricitetit,  
në vullnetin e çeliktë të novatorit,  
që me dorën ngritur i thotë importit «ndal»,  
në zemrat e dy milionë e treqind mijve,  
në betimin e veteranëve «Për gjakun e shokëve»,  
në ballin e tridhjetë e pesë nëntorëve  
e të gjithë nëntorëve që do të vijnë,  
në fjalët e fundit të atyre që vdesin  
e në fjalët e para të të porsalindurve,  
në gjithë luftërat e drejta të popujve  
që kërkojnë me armë në dorë lirinë,  
në grushtin e pakundërshtueshëm e të revoltuar  
përplasur në tryezën e superfuqive  
është ajo  
që për të malet tona shkëmbinjtë zhvendosin  
dhe emrin e saj shkruajnë: PARTI

## KRENARI

Biro, sa të pashë të vrarë  
më vajti dora te balli,  
atje plumbi të kish marrë.

Atje të kish zënë  
se në djep të pata thënë:  
«Ja në ballë, ja rri pa rënë!»

## ËNDRRA E NJË BARIU NË PLAZH

Një bari në plazh me studentët  
shëtiti dy javë buzë detit,  
në mbrëmjen e fillimit shikimi  
në shpinat e dallgëve i mbeti.

Kopetë e kooperativës me zhurmë  
i erdhën pranë sa sytë mbylli,  
dallgët si miliona shelegë  
vraponin në fusha tërfili.

Dhe vetullat vrenjti në ëndërr,  
me rërë mbushi grushtin dhe tha:  
«Kthei nga shtrunga, ktheu anën!  
Vajti ora për të mjelë, mor vëlla.....»

## KORRËSET

Qeshin, qeshin korrëset  
me vrapn' e zefirit,  
qerpikët ua prek  
qerpik i kallirit.

Del hëna nga malet  
drapër i florinjhtë,  
vjen era nga pllaja  
puthet me kallinjhtë.

Një tufë me thëllëza  
turret të shohë tutje,  
një drapër mbi male,  
njëqind përmbi supe,

Kombajna në fusha  
drapërinjtë në male,  
zënë kallinjhtë nga gusha,  
zënë kallinjhtë në valle.

Ngrihet vrulltaz dielli  
qiellit si shami,  
që ta marrin korrëset  
ta hedhin mbi sy.

Ta mbushin me këngë,  
ta mbushin me grurë,  
në lëmë ta shpalosin,  
ta bëjnë flamur...

## KOSTUMET KOMBËTARE

Dimri më shpejt se kudo vjen në male,  
po njerëzit këtu si askush duan lulet  
ndaj qëndisën aq shumë në jelekë  
lulëzimin që tufani s'e përkul.

Ndaj qëndisën lule në çdo tirq,  
në sila, mitanë e në shami.  
Sa herë që hidhen në tribunë festivalesh  
ka një pranverë në trup çdo njeri.



## VDEKJA E NAIMIT

Baresha mbajti dorën te dybeku,  
la vedrën të derdhet nga harrimi.  
Iu këputën mbi gjinj sumbulla jeleku:  
— Vdiq Naimi!

Rrahën tirqet mbi gjunjë fustanellat,  
në silarë ngriu duart trishtimi,  
mjegulla mbi male uli vellon:  
— Vdiq Naimi!

Qetë zvarisën plore të lëndinë,  
Lulet e Verës njëherësh ulën kokën:  
— Vdiq Naimi!

U bënë lumenjtë klarineta,  
malet daulle kushtrimi,  
gjithë pyjet cula dyjare  
për Naimin...

## LIRIKË E VAJZAVE TË FSHATIT TIM

Zanat kanë dalë nga legjendat,  
të bukurat e dheut nga përrallat.  
Janë vajzat e fshatit tim  
çdonjëra një lirikë e rrallë.

Këndojnë bilbilat në kalatë e lashta,  
këndojnë vajzat në fshatin e ri.  
Rritet këngë e grurë në malet e larta,  
duart e tyre kullojnë flori.

Zanat kanë dalë nga legjendat;  
nga gjoksi, xhurasë, nga teli lahutës.  
Janë vajzat drenusha të fshatit tim,  
çdonjëra Shotë, çdonjëra Shkurtë.